

Date – 10/10/2025

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Chief Minister Pu Lalduhoman Central-in Mizorama school a rawn din – EMRS, JNV leh Sainik ah te luh nachang hre turin zirlaite a chah.
2. Mizoram Sorkar department hnuaia direct recruitment hmanga hna lak reng rengah MPSC-in zawhna siam vek turin dan hmanlai siamthat a ni.
3. Bihar Assembly inthlan thawhkhatna atana hriattirna chu vawiin khan tihchhuah a ni
4. Maria Corina Machado chu kum 2025 Nobel Peace Prize dawng tura thlan a ni.

<><><>

CM

Chief Minister Pu Lalduhoman Central-in Mizorama school tha tak tak a rawn din - EMRS leh JNV ah te luh nachang hre turin zirlaite a chah a, Chhingchhipa Sainik School pawh seat ruak a la tam thu leh Mizo ten kan luah khah loh chuan hnam dang ta tur a ni mai dawn a ni a ti.

Mizo Students' Union General Conference vawi 23-na Vantlang Inkhawm hnuhnung berah Chief Minister, Pu Lalduhoma chu khuallian niin a hmanpui a, thusawiin Hna awmlo an tih laiin tun hnai mai, BSF lak runpuiah Mizo thalai intlar tur pawh an awm mang lo a ti a, Mizoram chhung ngeia ERMS, MRB leh a dang hrang hrang hnuaia Mizo an tling tha thei ta lo chu thil ngaihawhawm tak, Mizo zirlaite leh thalaite tan a tul tawh zia tilangtu a ni a ti bawk.

Zirlaite chu hna an zawn kawngah sawrkar hna mai piah lam, Entrepreneurship ah te rilru seng turin a fuih a. Tun sawrkar chuan entrepreneur te tan Handholding Scheme chuan hun tha a rawn hawn thu sawiin, he scheme hi pung tel lova loan lakna a nih thu a sawi.

Chief Minister chuan, zirlaite'n study tour an mamawh thinna te chu hriain nakum budget-ah chuan study tour neihna tur atan budget an dah belh tur thu a sawi a, scholarship pawh central Ministry lamin sum an peih fel veleh an rawn pek chhuah nghal thu a sawi bawk.

Kalphung tharah chuan direct-a hna lak tur reng reng chu advertisement tel lova lak an nih tawh loh tur thu leh chung hmanga an hna lak reng reng chu regularize theih vek an nih tawh tur thu a sawi bawk.

Lungleia Mizoram Engineering College, Lungleia awm chu nakum academic year atanga hman tlaka siam hman turin a thuan that nan cheng nuai 2540 vel dah a nih tawh thu leh chuta thawk tur hna post 63 lakna tur chu an pawm tawh thu a tarlang bawk a ni.

Chief Minister hi Lok Sabha MP, Pu Richard Vanlalmangaiha leh Bialtu MLA, Pu Jeje Lalpekhlua ten an tawiawm a, Zaninah Conference khar a ni ang.

(DIPR)



WORLD MENTAL HEALTH DAY

Khawvel hmun dang rualin vawiin khan World Mental Health Day chu Aizawl Dawrpui Multipurpose Hall ah hman a ni a, Volunteers for Community Mental Health (VOLCOMH) buatsaih he hunah hian rilru hrisel neih a pawimawhzia leh rilru lam harsatna in nghawng pawl a neih dan hrang hrangte mithiam sawm te'n an sawi a ni.

VOLCOMH Treasurer Dr.R.Lalnunmawii chuan mitin naupang atanga puitling, engdinhmuna ding pawh endawngna awm lova nun hlim tak neih chu mahni chanvo theuh a ni a ti a, rilru hrisel in a tum chu ngaihtuahna dik, thawipikna tih bo te, midangte hrethiam a duhthlanna dik hman te a ni a, taksa hrisel ngaihpaawimawh ang bawh in rilru pawh enkawl ngun a ngai a ni, a ti.

(Dr. R Lalnunmawii)

Rilru Hriselna chungchang Inzirtirna Ni (World Mental Health Day, 2025) hi Directorate of Hospital & Medical Education Auditorium-ah hman a ni bawh a, Addl. Director, DHME Dr. Zonunmawia Pachuau chuan Mizoramah rilru lam hrisel lohna chu a hluar chho nasa em em a, zirlaite zinga depression rate sang leh ruihhlo hman khawlohna hluarte bakah social media hman nasat avanga rilru hnualte chu a lan chhuah dan langsar tak an ni a ti.

Heng thilte hmachhawn dan tur kawngah hian Sawrkar pawhin policy mumal tak a mamawh tak thute tarlangin, tun dinhmuna chuan, rilru hriselna lama harsatna nei ten engtik hunah pawh an harsatnate an thlen theihna tur National Mental Health Programme hnuaia hmalakna pakhat TELE-MANAS-te, National Mental Health Programme hnuaiah vek tlawmngai pawl thlan chhuah bikte nena thawhhona kalpui a nih dan te a sawifiah a. Rilru Hriselna lama harsatna chu la pawimawh zual zel tur thil a nih thu a sawi bawh a ni.

(Corr : Nuteii)

MPSC

Mizoram Sorkar chuan MPSC hnathawh thin mek siam belhin, Mizoram Sorkar department hnuaia direct recruitment hmanga hna lak reng rengah MPSC-in zawhna siam vek turin MPSC limitation of functions a siam tha a. ‘The Mizoram Public Service Commission (limitation of functions) (Amendment) regulations, 2025 chu Gazette-ah sept ni 24 khan a chhuah.
Kan corr report lo ngaithla ang.

VC

Tuna sorkar kalphung dinglai ah chuan Pay level-05 leh a hnuai lam chu department-in zawhna a siam bakah hna lak a buaipui thin a, MPSC hian Pay level-06 leh a chung lam a khawih thung a ni. Sorkar-in ruahmanna thar a siam dan chuan Sorkar department hnuaia direct recruitment-a hna lak tur reng reng ah chuan, department-in a khawih chinah pawh question set chu MPSC chauh in an ti tur tih a ni a. Hei hi department ten MPSC hnenah an thlen thin ang tih a ni. Question set bakah hian exam kaihnawih dang chhanna endik leh a tul dangte ah MPSC rawn hmasa chungin, Department ten MPSC hi hna lak chungchangah an puihna an dil thei ang tih a ni bawk.

DIPR



GIRL CHILD DAY

Social Welfare, Women and Child Development Minister Pi Lalrinpuii chuan hmeichhiate zingah zirna sang zawk leh technical training zir zawm pha lo an tam a, tan lak a ngai a ti.

Vawiin khan Government Aizawl North College (GANC) Conference Hall-ah ni khat awh, ‘National Seminar on Educate the Girl Child: Break the Bondage’ hawnna hun a hmanpui naah Minister hian a sawi a, sum lama harsatna avangte pawhin mi tam takin zirna sang zawk an zir loh phah a, mipuite rilru puthmang thlak a, hmeichhe naupang leh a dikna chanvote khawtlang inhrilhhriat a tul a ti a, mimal, chhungkua, zirlai, zirtirtu leh khua leh tui nihna angin hmeichhe naupang hnena zirna an pek hian, chhuan lo awm lehzel turte thlengin zirtirna a pe tel tih hriat a tha a ni, a ti.

He zirhona hun hi hmeichhe naupangte’n zirna tha an dawn theihna tur leh hemi kawnga daltu awm theite zirchian a, tihbo a nih theih nan a pawimawh thu a sawi a. Zirna chu intluktlanna thlentu, a tha zawnga mi thlak danglam thei, chhungkua leh khawtlang nun chawisangtu a nih thu sawiin, hmeichhe naupangte’n sikul an kai chuan, ziak leh chhiar an zir bakah, nih tum mumal zawkte an lo neih theih phahin, an zirna chuan hruaitu tha leh thu thutlukna siam thiam mi ni turin a puih bakah, nasa takin an nunkawng a chawisang a, a thlak danglam thei a ni, a ti.

Sorkar laipui Ministry of Women & Child Development Regional Centre Guwahati-a Asst Director Pi Kashmiri Boruah pawhin he hunah hian thusawiin, Mizoramah chuan hmeichhe dinhmun tha thawkhat mah se kum 2024-25 inkara State Women Helpline-a tharum thawhna leh hleilenna case 13000 chuang lut zinga tuartu hmun lia thena hmun thumte chu hmeichhia an ni a. He zirhona hmang hian zawhna ril zawk zawh a nih a, zirchianna hmanga sawrkar hmalaknate tihchak a nih theih a beisei a ti a ni.

Byte
CORR-Nuteii

STATE HANDLOOM EXPO

Champhai Bethel Community Hall, Chhura hmuna buatsaih “State Handloom Expo” chu vawiin khan Forest Minister Pu Lalthansangan a hawng.

State Handloom Expo hawnna inkhawm hi ZOHANDCO Manager Pu C. Lalrinmawia’n a kaihruai a, thusawiin Pu Lalthansanga chuan ZOHANDCO-in State Handloom Expo Champhaia buatsaih a ni chu lawmawm a tih thu a sawi a, Kutthemthiamna hian ram Economy a chawi kang thei a, Handloom-ah hian theihna nasa tak an nei tih hriain Khawvel mithmuha Puantah leh thiamhnangdeh hmanga in phochhuah theihna turin Sorkarin hma a lak mek zel a ni tih a sawi a ni.

State Handloom Expo ah hian stall 60 siam niin Mizo thuan chi hrang hrang phochhuah a ni a. Expo hian ni 25 thleng a awh dawn a ni.

(DIPR)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



BIHAR ELECTION

Bihar Assembly inthlan thawhkhatna atana hriattirna chu vawiin khan tihchhuah a ni a. Assembly inthlan thawhkhatna hi bial 121 ah neih tur a ni a. Vawiin atangin inthlan chuh tumte tan hming a pek luh theih a. Tun thla ni 17 thleng hun hawn a ni a. Ni 18 ah nomination thehluhte endik a ni ang a. Oct ni 20 thleng inhnuhdawh theihna hun hawn a ni. Inthlan thawhkhatna hi Bihar hmar leh chhim lamah neih a ni dawn a. November ni 6 ah vote thlak a ni ang. Election COMmission chuan venhimna khauh taka kenkawh anih theih nan hriattirna a siam a. Nomination thehluhna bulhnaiah mipui tumah awm phal a ni lo.

(Newsonair)

<><><>

EAM

External Affairs Minister Dr.S.Jaishankar-a chuan firfiaka chetna do turin India leh Afghanistan-te nasa zawka an thawhdun a tul a ti. Vawiina Afghanistan Foreign Minister Mawlawi Amir Khan Muttaqi nen New Delhi-a an inkawmnaah he thu hi sawiin Pu Jaishankar-a chuan ram pahnihten hmasawnna leh hausakna umin theihtawp an chhuah mek tih a sawi a. Afghanistan-a hmasawnna thleng chho mek avangin India a lawm hle tih a sawi bawk a ni.

(Byte)

(Newsonair)

<><><>

NOBEL PEACE PRIZE

Maria Corina Machado chu kum 2025 Nobel Peace Prize dawng tura thlan a ni. Pi Machado hian Venezuela-ah mipui rorelna leh mipui dikna chanvo humhim anih theih nan nasa takin hma a la a. Venezuela Iron Lady tia hriat lar niin Times Magazine inkum 2025 chhunga khawvel mihring huhang ngah zual a thlan chhuah 100 Most Influential People list 2025 a siamah a telh a. Latin America-ah mipuite rawngbawla civil mi huaisen hriatlar tak zingah a tel a ni.

(Newsonair)

<><><>